

**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

§. 6. An, quando emphyteusis transit in dicto casu ad Monasterium,  
Domino directo debeatur laudemium?

---

[urn:nbn:de:hbz:466:1-73045](#)

*laudemium*; nam dominus directus jus laudemii, recipiendi deinceps titulo hujus emphyteutæ semel rite investiti, nec habet, nec habuit, nisi cum ab hoc ius emphyteuticum transfertur *in aliam personam*; sed hoc totum illi salvum manet, esto cum emphyteuta per consequentiam personæ transeat in monasterium, ut patebit ex sequent. ergo quoad hoc punctum, etiam stante asserto nostro, conditio Domini directi non evadit deterior.

1777 Sed nec evadit deterior ex altero capite, quod deficeret spes utilis domini ad se unquam redituri; nam talis emphyteuta translatus in monasterium, vel habet ius utile sibi constitutum ad certum terminum? vel sine termino? si primum? fit caducum lapsu prefixi termini; si secundum? caducum erit juxta dicta. Cœterum, esto in dato casu, conditio Domini directi (negati illi jure revocationis) evaderet deterior, ipse sibi imputare debet, quod hoc non deduxerit in pactum; & ideo hanc sententiam apud Sanchez. cit. tenent Baldus auth. *Ingressi*. n. 22. C. de ss. Eccles. Salycket. Decius, Sylv. v. *Religio*. 6. q. q. dict. 2. Azor Instit. Moral. tom. 1. L. 12. c. 8. q. 4. &c. Hinc, si emphyteusis concessa sit illi professo ante ingressum, pro se, & suis hæredibus, transtire illam in monasterium perpetuo, & irrevocabiliter, sive secularis sit, sive Ecclesiastica, docet Bartol. authent. *Ingressi*. in secunda lectura n. 37. Beroius c. *in praesentia*, de probat. n. 419. excipe nisi ex alio capite fiat caduca, v. g. non soluto canone; ratio est, quia concedens potuit cogitare, quod talis emphyteuta habere possit, in hæredem, Monasterium, quod nunquam perit. Ex quo sequitur, idem dicendum, non tantum in casu emphyteusis à professo ante ingressum habitare; sed etiam, post ingressum acquisitæ per hæreditatem.

1778 Dixi, quando non est adjectum pactum, ne transeat in Ecclesiam, vel Monasterium; hinc quæstio est, an ejusmodi pactum obstat, quo minus, emphyteutæ professione, transeat in Monasterium? scilicet negativè cum Sanchez cit. c. 15. n. 65. contra Haunoldum tom. 1. de Just. tr. 4. n. 27. cuius ratio jam so-

luta est supra; nam illa translatio, *in pactum deducta*, intelligitur de translatione *voluntaria*, & nascente ex facto hominis; non autem *necessaria*, seu inducta à lege, in consequentiam personæ translatae, & pro ejus vita; cuius ratio est; quia eo jure, ratione personæ translatae, monasterium habet bona sui professi (quam diu ille naturaliter vivit) quo jure illa possessurus erat professus, si mansisset in seculo juxta dicta: Sed non obstante pacto, *ne alienetur, vel transferatur in Ecclesiam*, illa possessurus erat toto vita tempore: ergo illa similiter habere potest monasterium ratione personæ in ipsum translatae, quam diu professus naturaliter vivit.

## §. 6.

*An, quando emphyteusis transit in dicto casu ad Monasterium,  
Domino directo debeatur laudemium?*

Quæstio 1. procedit de tempore, quo 1779 emphyteuta naturaliter vivit? Resp. quod non; ex L. fin. C. de re emphyt. relata superius n. 1763. sed in casu, quo transit ad monasterium per consequentiam personæ, seu ipsius emphyteutæ professi, non transit ad aliam personam, ut probatum est n. 1766. & confirmatur 1. ex dictis num. 1767. nam si monasterium recipiens emphyteusis ratione ipsius personæ, seu emphyteutæ professi, esset *alia* persona, non posset recipere usumfructum per professionem usumfructuarii; hoc autem falsum est ex dict. loc. cit. ergo. Confirmatur 2. quia laudemium non debetur, cum alienatio, vel mutatio est *necessaria* ex n. 1765. sed in casu, quo emphyteuta profitetur, & prius non disposuit, esto foret aliqua mutatio, ea tamen foret alienatio, vel mutatio solum *necessaria*, adigente ad hoc dispositione legum, tum civilium tum canonicarum, ut per se patet; ergo. Confirm. 3. ubi non est *novus* emphyteuta; non debetur laudemium, ut expressè docet Sichardus cum aliis relatus n. 1766. sed in hoc casu non est *novus*

novus emphyteuta, quam diu professus naturaliter vivit, ut ostensum est n. 1779. maximè, si in prima investitura primo emphyteutæ, & ejus hæreditibus jus utile, constitutum sit, ut notavimus ex Sichardo n. cit. ergo.

**1780** Altera quæstio est, an debeatur laudemium, quando res emphyteutica, post professionem emphyteutæ, ad monasterium, successionis capax, devolvitur ex hæreditate paterna? Resp. quod non, quam diu talis professus naturaliter vivit, ratio est, quia monasterium successionis capax, & ratione sui professi ex paterna hæritate succedens in rem emphyteuticam, eo ipso succedit jure suitatis, & ut hæres necessarius ex n. 1766. sed in tali casu non debetur laudemium ex n. cit. Ergo. & confirm. i. cit. argumentis prioris §. Secundò ex hoc, quia monasterium habet omnia iura sui professi perinde, ac si iste religionem professus non fuisset ex n. 1778. sed si iste professus non esset, nullum directo domino deberet laudemium in casu, quo res emphyteutica ad illum deviniret *jure Suitatis*, ut pañim docent authores; ergo etiam nullum deberet directo domino laudemium in casu, quo venit codem jure ad monasterium ratione professi, post ingressum.

**1781** Dices i. *laudemium* debetur, quoties fit *vera mutatio* emphyteutæ, sed quando jus emphyteuticum transit ad monasterium, sive per professionem ipsius emphyteutæ, sive per hæreditatem paternam devolutam ad filium, jam professum in Religione, successionis capaci, fit *vera mutatio* emphyteutæ: ergo in utroque casu debetur laudemium. Min. pat. quia *mutatio* consistit in *translatione* rei emphyteutica v. g. vineæ; sed hanc professus per professionem transfert in Monasterium: ergo per professionem fit *mutatio*. Resp. i. N. ma. universaliter, idque non tantum ex mente Doctorum, qui Religiosi sunt; sed etiam secularium, ut Bartoli, Sichardi, & aliorum plurimorum quos retulimus à n. 1763. quibus ex Religiosis accedit Ludovicus Engel. p. 1. l. 1. tit. 21. §. 3. n. 11. in editione 1671. & in Colleg. juris canon. l. 3. tit. 31. n. 37. Nec video, quomodo rejici possit hæc autho-

ritas ex eo, quod sit *Doctoris Religiosi*; si rem controversam definit fundamento liquido, & in jure fundato, nisi velis ex eo, quod sententiam suam dicat in favorem monasterii; sed sic posnis argumentum longè validius in omnibus, quoties Jurisconsulti favent seculo. Illa igitur major fallit de jure communi, cum mutatio est *necessaria*, vel fit per consequentiam persona, ut notatum est à n. 1767. & seq. Neque his præjudicant in his terris generalia Principum, sed potius corroborant, ut ostensum est à n. 1768. ergo.

Hinc in forma dist. ma. laudemium **1782** debetur, quoties fit *vera mutatio* emphyteutæ *voluntaria*, trans. ma. *necessaria*, N. ma. sed in casu, quo emphyteutis per ipsum professum transit in Monasterium consequentia persona in primis nulla est *mutatio persona* ex n. 1766. & si esset, esset mutatio solum *necessaria* ex n. cit. in casu autem, quo à Patre immediatè per hæreditatem paternam devolvitur ad filium post professionem, acquiritur jure suitatis, ut ostensum est n. cit. ergo. Quidam negat, filium post professionem religiosam in religione successionis, & bonorum in communi capace, jus suitatis retinere, *allegans*, se id nunquam legisse; sed hoc nihil probat, cum id expresse doceat notissimus Sanchez l. 7. Decal. c. 12. n. 5. ubi ait: *hoc passim tene-ri à Doctoribus, nemine, quem viderit, contradicente; certum autem est à Tho-ma Sanch. & visos, & lectos esse quam plurimos, ut constabit inspicienti ejus o-pera sapientissima.*

**1783** 2. Data majori in object. n. 1781. polita, n. min. ad prob. dico, mutationem, propter quam debetur laudemium, non esse qualecumque translationem juris emphyteutici; sed translationem, qua definit esse *in priori persona*, & constituitur *in alia*, constat ex n. 1763. & 1785. cum seq. at translatione rei *cum ipsa persona*, seu *solum per consequentiam persona* non aufertur *à priori persona*, sed in illa remanens, cum ipsa transfertur in monasterium; ergo in hoc casu non fit *mutatio persona* habentis jus utile, sed ad sumnum modus illud habendi, nimis in hoc, quod antea jus utile habuerit cum potestate in illo disponen-

di per se ipsum immediate, & post ingressum habeat jus de illo disponendi, sed dependenter ab eo, qui gerit administrationem bonorum pertinentium ad communitatem, cuius ipse est pars, id, quod etiam ad dies vitæ facere non professus.

1784 Negandum igitur est, quod per professionem religiosam, in religione bonorum in communi, & successionis capaci, fiat *vera mutatio*, in qua fundatur jus exigendi laudemium, vel professus sit *exurus omni dominio, & proprio, etiam in communi*; nam professio religiosa in ejusmodi religione, non æquivalet morti naturali, ut probatum est lib. 2. tit. 1. &c., licet professus censeatur *mortuus spiritualiter*, ( nimirum quoad propriam voluntatem, quam Deicauſa subdit alteri ) non est tamen *mortuus civiliter* ( proprio loquendo ) nimirum, quoad effectus juris, nec in sensu juris perdit libertatem, sicut *servus*; alias enim nec de licentia Prælati possit stare in judicio, vel disponere de rebus, quas ante ingressum habuit &c. quod tamen passim negatur, & est contra notissimam praxim.

1785 Ex dictis coll. 1. negandum esse, quod jus utile in dato casu emphyteutæ professi, ab hoc in alienum dominum transferatur; esto verum sit, quod cum ipse, & per consequentiam personæ in monasterium transeat, sic tamen, ut solum ratione ipsius; non autem ratione sui, monasterium illud habeat, quam diu professus naturaliter vivit; igitur jus suum non transfert in monasterium, illud à se omnino alienando, sed tantum in communionem admittendo.

Coll. 2. esto transmittatur ( si professus ante ingressum fratris suo relinqueret jus emphyteuticum, vel hic illi, aut Pater filio, alio titulo, quam hæreditatis) deberi laudemium; negari tamen, hoc deberi in casibus propositis 1. quia frater non habet ipso facto omnia jura fratris, sicut religio omnia jura sui professi ex n. 1780. secundo, quia ibi jus utile non transit ad alterum mutatione *necessaria*, vel per consequentiam personæ. 3. quia filius eo casu emphyteusim non haberet, ut hæres *jus*. Denique illud antecedens fallit in casibus expressis à n. 1768.

Coll. 3. ex eo, quod ( si quis uxori 1786 sua donaret vineam emphyteuticam ) deberetur laudemium; nullam fieri paritatem & casum, quo emphyteuta illam per professionem secum fert ad monasterium. Nam 1. hæc translatio est *necessaria*, & per consequentiam persona; non illa; 2. hæc translatio est per transitum emphyteutæ in communitatem, in qua se Deo dedicat; non illa 3. uxori per connubium, non est *eadem persona cum viro, juridice*, nec per hoc, quod conjuges sint duo in carne una, sunt eadem persona in iuribus. Nec enim ex hoc uxori succedit in omnia bona viri sui, sicut monasterium in omnia jura sui professi ex n. 1780.

Coll. 4. Nec bene fieri paritatem ad casum, quo jus emphyteuticum ex hæreditate paterna post religiosam professionem devolvitur ad monasterium, ratione sui professi; quia monasterium ratione sui professi, tunc stat, ut hæres suis ex dictis: hinc sine ullo fundamento juris dicitur, quod filius jura, vel privilegia, filiis, aut descendantibus concilia ex rescripto Principis, per consequentiam personæ non ferat secum ad monasterium, in quo profitetur; Nam 1. manifeste id repugnat legibus allatis in supra, quæ clare dicunt, quod cum sequantur omnia sua jura, & res; nec statutum aut consuetudo ulla, ut notavimus n. 1774. ( nisi legitima ) illi derogare potest, quæ in his terris nulla extat, ex n. 1768. cum rescripta Principum pro his terris potiori jure firment sententiam nostram; nam licet ejusmodi rescriptum etiam in stricta interpretatione sumatur; certum tamen est, quod per professionem non definit *naturaliter*, esse filius, ut manifestum est omnibus, sed nec *civiliter* definit esse filius; quia professio religiosa in religione bonorum in communi, & successionis capaci, non habet vim extinguendi jus filii in professō ( ut certum est apud omnes Canonistas, scribentes de jure Regularium ) sed tantum ligandi eum, ut eo non utatur licite, vel etiam validè, nisi dependenter à voluntate illius, qui nomine communi administrat bona talis monasterii.

Coll. 5. esto darem, quod in rescri. 1787 ptis

ptis pura veritas, non autem fictio inspi-  
cienda sit (quod tamen in plurimis fal-  
lit) in casu tamen nostro, professum il-  
lum in religione (de qua loquimur)  
post professionem æque, ac ante, esse  
filium, & habere jura filii, veritas est,  
non juris fictio; nam jus filiationis per  
professionem in ejusmodi religione non  
extinguitur; quia, cum certum sit, in-  
capacitatem dominii non esse *ex na-  
zura voti paupertatis*, etiam *solemniter*  
professæ, ut constabit amplius ex dicen-  
dis; sed tantum speciali constitutione  
juri positivi, ut expresse definitus Gre-  
gorius XIII. in bulla *ascendente* edita  
1584. 8. Calend. Junii, & alias habetur  
*c. uniu.* de voto, in 6. eo ipso in nullo  
professo, vi sua professionis illa, vel  
major incapacitas dominii, aut juris e-  
rit, quam Ecclesiæ constitutione defi-  
nitum sit; at in filiis; vi sua profesio-  
nis, in religione bonorum, & successio-  
nis capaci, extinguui jus filiationis nulli-  
bi definitum est in jure; imo contrarium  
aperte constat ex dictis; ergo falsum  
est, quod professus sola *jurisfictione*, &  
non *vere* retinet jus suitatis, & re ipsa,  
ex qualitate filii, recesserit per profes-  
sionem: accedit, quod per Generalia  
Cæsarum, respectu Styriae, non qualis-  
cunque recessus ex communione hære-  
dum, sed tantum recessus *per vendi-  
tionem rei*, post hæreditatis divisionem,  
pariat obligationem laudemii ex n.  
1771.

Nec ex eo (quod, si professus vellet,  
major autem pars nollet, vendi vineam  
v. g. ipsius suffragium nullum est) re-  
cte sequitur: ergo nullum habet domi-  
nium, quia juxta n. per usum præ-  
cisè annullatum, non est annullatum  
jus; alias pupillus non esset rei domi-  
nus; quia, quando absque authoritate  
tutoris, extra casum sibi lucrum, di-  
sponit de re sua, dispositio est jure nul-  
la; at ex hoc non recte arguitur, pu-  
pillum non habere illius rei dominium,  
licet sit vinculatum; ergo etiam ex illo  
casu non recte arguitur, professum nul-  
lum illius rei habere dominium, quia,  
ut recte notat Wadingus de contracti-  
bus D. 2. d. 2. religiosi, qui administra-  
tionem non habent, aut licentiam Præ-  
lati, quoad suos contractus comparan-

tur pupillus. 2. quia per hoc solum se-  
quitur, cum carere administratione, & ju-  
re disponendi particulariter, non autem  
communiter, ut dictum est; ergo.

Coll. 6. esto detur, quod, si monas-  
terio legasset vineam, hoc deberet  
laudemum ipso *naturaliter* mortuo;  
non tamen idem sequi, quando ipse vi-  
neam emphyteuticam per religiosam  
professionem, & consequentiam per  
sonæ fert ad monasterium, aut mona-  
sterio obvenit hæreditate paterna, ratio-  
ne filii professi; nam in casu legati mo-  
nasterium non habeat vineam *ratione  
persona* in ipsum translata, sed *facto homi-  
ni*, seu *dispositione leganiis*; secus in  
casu, quo vinea sequitur emphyteu-  
tam; nam in hoc casu monasterium non  
capit vineam, ut *heres* sui professi, ex  
dict. nec in eo casu legati monasterium  
recipit vineam, ut *heres suus*; secus in ca-  
su vineæ post professionem filii, obitu  
patris ad monasterium, ratione profes-  
si, devolutæ, ut dictum est n. 1780.

Et ideo notandum, quod, quando 1790  
dicitur, *monasterium haberi, & esse loco  
filii*, non sit sensus, quod mona-  
sterium habeatur tanquam *filius, persona in  
ipsum translata* professione, eique suc-  
cedat, ut *filius ejus* (quia sic monasterium  
esse in potestate sui professi) sed quod  
monasterium eodem modo, ratione  
sui professi stet loco filii respectu ejus,  
respectu cuius ille professus habetur fi-  
lius; quia, ut dictum est, filius mona-  
sterium ingressus nihil perdit ex illis juri-  
bus, quæ ante habebat, quoad succe-  
siones in bona parentum, retinetque ju-  
ra suitatis, & similia; hinc monasterium  
(si moriatur secularis parens professi)  
intendat nomine sui religiosi (qui adhuc  
vivit naturaliter) petitionem hæredita-  
tis (ut fundat docet Wadingus ibid. cit.)  
& ejus præteritione, testamentum rum-  
pitur æquè, ac in casu præteriti filii non  
religiosi.

Dices 2. si ex eo, quod filius in mo-  
nasterio bonorum, & successio-  
nis capaci profitendo, secum ad illud ferat  
rem emphyteuticam, non deberet sol-  
vi laudemum, fieret magnum præju-  
dicium dominis directis; ergo talis casu  
solvendum est laudemum; verum ex  
quo capite i. ap., quia per hoc fit ma-  
tatio?

tatio? in qua fundatur debitum laudemii? sed hoc negatur ex dict. à n. 1779. an, quia eadem persona sed nunc religiosa vineam habet jure possidendi bona communiter? at per hoc non ostenditur, quod sit *novus* emphyteuta ex n. 1766. sed tantum, quod sit idem in alio statu & quidem in statu sacro, propter quod gravari religionem, quæ loco filii recipit illum emphyteutam, alienum est à recto, & omni juris aequitate. Accedit, quod in nullo præjudicetur domino directo, esto in dato casu non solvatur laudemium; quia per hoc nihil perdit, quod ei obvenisset, si emphyteuta non esset professus à n. 1766. nam ejus naturali morte secuta, monasterium penderet laudemium; quia tunc capit vineam, emphyteusi subjectam, ut hæres emphyteutæ defuncti, si eam (ante professionem) per ultimam voluntatem, in eventum suæ mortis *naturalis* monasterio cessit; ante hanc autem monasterium eam non habet, ut hæres, sed acquisitione naturali, ut dictum est; ergo.

## S. 7.

## De melioratione rei emphytice.

**1792** Tertiæ emphyteutæ obligationem dixi n. 1752. esse obligationem faciendo rem meliorem, secundum nomen, & concessionis rationem; nam olim in emphyteusim dabantur agri deserti, & minus fertiles, redigendi ad culturam, sic, ut in eo peccans, fundo expelli posse videatur, arg. c. 3. h. t. & L. 3. C. Locati; hoc tamen intellige de cultura, & meliorationibus, quas communis diligentia colonus adhibere solet, & quibus non adhibitis res deterior fieret, v.g. si non putaret arbores, sibi tribulos, aliaque inutilia fructa, non purgaret, si non plantaret arbores in locum demortuarum &c. & harum meliorationum estimationem emphyteuta, etiam emphyteusi finita, non repetit.

**1793** Communior igitur sententia habet, emphyteutam teneri ad rem meliorandam; sic Fchinæus lib. I. c. 92. & alii; sed hoc posse dupliciter intelligi, 1. ut red-

dat meliorem ultra communem diligenciam coloni; 2. cum communi diligencia sic, ut ea prætermissa res deterioretur, & ad hanc meliorationem ex vi contractus emphyteutici, emphyteutam teneri, communis tradit; & ejusmodi meliorationes emphyteutam non posse repeterè à Domino, etiamsi sine ejus culpa emphyteusis finiatur; secus tamen est de illis, ad quos, vi talis contractus, non tenebatur.

Coeterum emphyteuta non tenetur, 1794 sed potius Dominus directus restaurare ea, quæ absque culpa emphyteuta penitus collapsa sunt, vel incendio, aut alio casu absumpta, ut domus, horrea, portae; ratio est; quia substantia fundi ab eo restituenda est, ad quem pertinet; deinde si emphyteuta ponat alias meliorationes, ad quas vi contractus non tenetur, v.g. si domos: aut horrea, aut stabula, de novo ædificet, tunc resoluta emphyteusi, absque culpa emphyteutæ, potest horum estimationem repetrere; colligitur L. 7. §. 16. ff. *solutio matr.* ubi simile quid traditur quoad maritum, ibi in fine: *plane, si novam villam necessario exstruxit, vel veterem totam sine culpa sua collapsam restituerit, erit ejus impensa petitio; similiter modo, & si pasterna instituit: hæ enim impensa, aut in res necessarias, aut utiles cedunt, pariuntque marito actionem;* idem dicitur L. 7. C. de usufructu; L. 16. ff. locati; L. 55. §. 1. eod.

Quæstio nunc est, an emphyteuta includat in commissum ob rem deterioram? dicitur res deteriorari, cum evadit pejor, ut notat Peryra in Elucidar. n. 1863. seu, quando ab eo statu, in quo prius erat, diminuitur; de emphyteusi Ecclesiastica videretur affirmandum ex Authen. qui rem. C. de ff. Ecclef. (quæ desumpta est ex Novell. 120. c. 3.) ibi: *qui rem ejusmodi conductam, vel in emphyteusim acceptam fecerit deterioram, aut emphyteuticam canonem per biennium non solverit, hac lege repellit potest, ut tamen solvat totius temporis pensionem, & id, in quo rem lasse, resarciat, non repetitur,* se quid impedit nomine meliorationis.

Circa istum casum quæritur 1. an hæc 1796 pena commissi locum habeat etiam in em.